



Universitätsbibliothek Paderborn

**Dissertatio Theologica, Ad Mentem S. P. Avgvstini, De
Radice Intolerabilivm, scandalosarum, & in praxi
perniciosarum propositionum, à summis Pontificibus
Alexandro VII, & Innocentio XI. damnatarum**

Schweitzer, Johannes

Coloniæ Agrippinæ, 1679

Proponuntur & solvuntur argumenta, quæ solent objici contra doctrinam
præcedentium Paragraphorum.

urn:nbn:de:hbz:466:1-38917

PARAGRAPHUS QUINTUS.

Proponuntur, & solvuntur argumenta, qua solent objici
contra doctrinam praecedentium
Paragraphorum.

Obijecies primò: Licitum est, sequi opinionem,
quæ nititur gravi & solidâ ratione, nec est
contraria sacræ scripturæ, aut traditionibus, nec
sanctis Patribus; sed minus probabilis in concursu
probabilioris, stantis pro lege naturali aut positi-
vâ Dei, potest esse talis, ergo tunc saltem li-
citum erit sequi opinionem minus probabilem.
Respondeo distinguendo majorem, licitum est se-
qui opinionem, quæ nititur gravi & solidâ ratione
&c. si ista ratio sit verè conformis veritati, hocque
sensu verè solida, & opinio verè sit conformis sacræ
scripturæ, traditionibus, & sanctis Patribus, conce-
do: si appareat tantum talis, & revera non sit talis,
nego majorem, quia si hoc sufficeret ad conscientię
securitatem, quod alicui aliqua opinio appareat
conformis veritati & legi ob rationem aliquam ipsi
visam gravem & solidam, summi Pontifices non
proscripsissent ista opinionum monstra, quibus
mendacia, calumnia, perjuria, usurpatione, simonia, ho-
micide, &c. excusabantur à peccato, eò quod Au-
toribus earum, & practicantibus eas viderentur ni-
ti gravibus, & solidis rationibus, & ob eas non dif-
formes scripturæ, traditionibus, & Patribus, et si
contraria & probabilior sententia affereret, esse

G 4 contra-

contrarias. Deinde hoc modo etiam Hæretici excusarentur à peccato, quia ipsis etiam suæ opiniones videntur niti gravi & solidâ ratione, gravi auctoritate, & conformes esse sacræ scripturæ, traditionibus, & Patribus. Imo Pilatus qui Christum morte dignum judicavit, afferentibus Judæis & principiis eorum, se legem habere, secundum quam deberet mori, & Turcarum error, qui putant fornicationem & pollutionem non esse malam, & quodlibet genus errorum posset sic defendi, quia possunt videri niti ejusmodi erroneæ opinions gravi ratione, ut Caramuel Probabilistarum facile Princeps fatetur lib. 4. Theol. moral. n. 1559. afferens, *Deorum pluralitatem stando principiis naturalibus defendi posse, & propugnari.* Et num. 1563. Prudentiam humanam viribus naturæ relictam probabilissimè posso credere, dari plures Deos. Unde distinguo similiiter minorem; sed minus probabilis &c. potest esse verè talis, si probabilior verè sit conformis legi, scripturæ &c. nego: potest videri talis: concedo minorem, & nego consequentiam.

Objicies secundo: qui operatur prudenter, non operatur male; sed qui in concursu propositionum Contradictoriarum, sequitur minus probabilem, relictâ probabiliore & tutiore, operatur prudenter; ergo non operatur male. Major patet, minor probatur: quia ille, qui in tali concursu eligit opinionem minus probabilem, sequitur opinionem nitem gravi ratione, aut gravi auctoritate; ergo operatur prudenter.

Respon-

Respondeo negando minorem, & ad probationem consequentiam, quia petitur principium. Hoc est enim, quod negamus, nempe illum operari prudenter, qui sequitur opinionem minus probabilem, sive nitentem gravi ratione aut gravi auctoritate, relictâ probabiliore & tutiore, si enim omnis opinio probabilis, sive nitens ratione aut auctoritate alicujus momenti esset prudens, sive sufficiens conscientiæ & morum regula, ut adversarii supponunt, & non probant, non tot propositiones laudati Summi Pontifices prohibuerent sub tam gravi pœnâ. Ille igitur operatur prudenter, qui in concursu contradictoriarum elitit, & sequitur probabiliorem & tutiorem, sive eam, quæ stat pro lege & officio, relictâ illâ, quæ stat pro libertate & commodo contra legem. Confirmatur hæc responsio, sicut enim in negotiis temporalibus operans juxta opinionem minus probabilem in concursu probabilioris, non operatur prudenter. V. g. ingrediens sylvam, quam probabilius judicat esse receptaculum latronum; aut sumens cibum vel potum, quem probabilius judicat infectum veneno, ita à fortiori non operatur prudenter, qui in rebus ad salutem animæ pertinentibus, sequitur minus probabilem relictâ eâ, quæ stat pro lege; quamque operans probabilius judicat esse conformem legi, suamque operationem displicere Deo.

Instabis: Qui sequitur opinionem certò probabilem, ille non peccat, sed qui in concursu contradic-

G 5

Aoria-

Autoriarum sequitur minus probabilem, sequitur opinionem certò probabilem ergo. Probatur minor; quia qui sequitur minus probabilem, sequitur opinionem, quæ ntitur, aut ratione magni ponderis, aut gravi auctoritate; sed talis opinio est certò probabilis. Eigo qui sequitur minus probabilem, sequitur certò probabilem.

Respondeo negando majorem; & iterum dico, peti principium, quia hoc queritur, an qui sequitur opinionem certò probabilem, non peccet in ullo casu.

Dices: Major illa est certa. Nego assumptum, neque enim certa est certitudine fidei, neque naturali, cum non sit per se nota, neque demonstrabilis à priori, aut posteriori; sed habeat annexam formidinem, ne operatio sit mala.

Urgebis, distinguendum esse inter probabilitatem dubiam & certam. Item inter certò certam, & probabiliter certam, majorem autem esse certam certitudine probabili.

Respondeo cum S. Augustino lib. 2. cont. Academ. c. 9. Auferantur de manibus nostris fabellæ. De moribus, de anima res agitur. In rebus autem ad salutem animæ pertinentibus semper veritas affectanda & spectanda est, neglectis hujusmodi inani studio ex cogitatis terminis, & regulis, ad inveniendam potius Probabilitatem, quam veritatem, quæ sola præstat securitatem in dubiis Juris naturalis & positivi divini, sufficienter promulgati. Ecce, inquit S. Augustinus hom. II. Dat tibi securitatem procurator,

rator, quid tibi prodest, si Paterfamilias non acceptet? Procurator sum, servus sum, vis tibi dicam, vive sicut vis, Dominus te non perdet. Securitatem tibi Procurator dedit. Nihil valet securitas Procuratoris. Vt in am tibi Dominus securitatem daret, & ego te securum facerem: Domini enim securitas valet, etiam si nolim, mea nihil valet, si ille noluerit, &c. Sed hujusmodi à Probabilistis excogitatis regulis & terminis Dominus non dat securitatem, neque sanctus Augustinus cum aliis Patribus, neque ulla evidens probatio, neque per se notæ sunt, intellec̄tis tantum terminis, ergo nihil ad rem facit talis distinctio. Adde, quod certitudo probabilis, sit certitudo dubia, & certitudo incerta, ac proinde non magis sit certitudo, quam homo mortuus sit homo vivus.

Objicies tertio cum Caramuele: Qui probabilit̄ sequitur opinionem, insuperabiliter veritatem ignorat, & ideo non debet peccare.

Respondeo negando assumptum, si intelligatur de opinione stante contra legem naturalem & diuinam sufficienter promulgatam; dicoque cum S. Augustino lib. 2. contra Academicos cap. 7. Ipsa res clamat - - - - ridendos esse - - - qui se in vita verosimile sequi dicunt, cum ipsum verum, quid sit, ignorant. Et l. 14. contra Faust. c. 9. Fœlix cor acutum ad veritatem, infœlix contra veritatem. Qui in concursu opinionum sequitur minus probabilem contra legem Dei, virtualiter dicit: etsi probabilius sit, quod Deus nolit id fieri, volo tamen facere.

Objicies quartò; Si ille, qui sequitur opinionem minus

minus probabilem contra legem naturalem, aut positivam divinam, cui conformis est opinio probabilior, peccet, etiam peccabit sequens probabilitatem, immo probabilissimam contra dictas leges.

Respondeo concedendo totum; quia illæ leges non sunt subjectæ opinionibus Doctorum, sed hi debent juxta illas in particulari operabili formare judicium practicum, & operari ex amore illarum, in rebus ad salutem pertinentibus. Non dixit Christus: *Ego sum probabilitas, sed Ego sum Veritas.* Hæc ergo affectanda & spectanda est. Unde si Doctores dent consilia contra legem naturalem, & divinam sufficienter propositam, verificatur de illis illud Matth. 15. *Cæci sunt, & duces cœcorum. Cœcus autem, si cœco ducatum præstet, ambo in foveam cadunt,* Et frustra configiunt ad ignorantiam, cum hæc sit vincibilis, ut patet ex supra dictis.

Instabis. Hæc sententia videtur valdè dura; ergo potius dicendum est, licitum esse sequi etiam minus probabiles, et si stent contra legem, quia ejusmodi opiniones sunt quædam benigniores legum interpretationes, quæ verò stant pro legibus, sunt interpretationes earum nimis duræ.

Respondeo distinguendo antecedens: Hæc sententia videtur nimis dura, volentibus secundum iustitiam & voluntatem Dei dirigere actus suos, nego; præsumptuosis & nolentibus voluntatem submittere Deo; concedo antecedens, & nego consequiam. Et ad probationem dico cum S. Augustino

stino l. 3. contra Acad. c. 7. Clamat Zeno, totaque illa porticus tumultuatur, hominem natum ad nihil esse aliud, quam ad honestatem; ipsam suo splendore in se animos ducere, nullo prorsus commodo extrinsecus posito, & quasi lenocinante mercede. In psal. 44. Directionis virga est, quæ dirigit homines. Curui erant, distorti erant, sibi regnare cupiebant, se amabant, facta sua maladiligebant, non voluntatem suam Deo subdebant, sed voluntatem Dei ad suas concupiscentias flectere volebant --- & ad hoc propemodum sedent quotidie homines, ut disputent contra Deum. Dei voluntas æqualis est, tua curva est. Propterea tibi curva videtur illa, quia tu illi coaptari non potes. Dirigere ad illam, tene illam: nam si illam velis curvare ad te, quia non potes, frustra conaris, illa semper directa est. Et in ps. 48. Hæc est in hominibus magna & usitata perversitas, quæ, cum debeant ipsi vivere secundum voluntatem Dei, Deum volunt vivere secundum voluntatem suam: & cum ipsi nolunt corrigi, illum volunt depravari, rectum non arbitrantes, quod ille vult; sed quod ipsi volunt. Et lib. de Catechizand. rudib. c. 25. Tene te ad legem Dei, & non sequaris prævaricatores ejus; non enim secundum illorum sensum, sed secundum illius voluntatem judicaberis. Et serm. 1. de verb. Dom. c. 3. Quæramus istum adversarium, cui debeamus consentire --- queramus illum, & consentiamus illi. Si peccas, adversarius tuus est sermo Dei: verbi causa, forsitan delectat te inebriari. Dicit tibi: Noli. Delectat te spectare, & nugari: Ille dicit tibi: noli. Delectat te adulterari: Dicit tibi sermo Dei: noli. In quibusunque peccatis
volue-

volueris voluntatem tuam, dicit tibi: noli. Adversarius est voluntatis tue, donec fiat auctor salutis tuae. O quam bonus adversarius! quam utilis adversarius! non querit nostram voluntatem, sed utilitatem. Adversarius est nobis, quam diu sumus & ipsi nobis. Quamdiu tu tibi inimicus es, inimicum habes sermonem Dei. Esto tibi amicus, & concordas cum ipso. Non homicidium facies, audi & concordasti. Non mœchaberis, audi & concordasti. Non falsum testimonium dicas, audi & concordasti. Non concupiscas uxorem proximi tui, audi & concordasti. Non concupiscas rem proximi tui, audi & concordasti. In his omnibus cum tuo adversario concordasti. Dic mihi, quid perdidisti? Non solum nihil perdidisti, sed te ipsum, qui perieras, invenisti. **Vita, vita ista est.**

Objicies quintò: Si homo teneatur semper eligere id, quod est tutius, peccant, qui eligunt statum Matrimonii, relicto Religioso; sed hoc non est dicendum, ergo nec illud. Major probatur, quia status Religiosus est tutior Matrimoniali.

Respondeo negando majorem. Et ad probationem dico, statum Religiosum esse tutiorem, si **L**i tutior accipiatur grammaticè sive comparative. Quando autem dicitur tutius esse eligendum in rebus ad salutem pertinentibus, accipitur tutius adversativè, prout opponitur illi, quod est malum. Uterque autem status tutus, & bonus est.

Instabis. Tutius est non admittere plura beneficia, si unum sufficiat ad sustentationem, accipiendo tutius, etiam adversativè, & tamen contra-

ttarium practicatur, idque sine peccato; ergo.

Respondeo cum S. Thoma quodlib. nono art.

I.5. *Etsi habere plures præbendas secundum se contineat aliquas inordinationes, posse tamen ob supervenientes circumstantias istam deformitatem tolli, & non esse peccatum, habere plures præbendas, iis autem deficitibus non posse.*

Objicies sexto: Plures Pontifices in dispensando secuti fuerunt sententias minus probabiles, relictis probabiliорibus, & tutioribus, sive stantibus pro lege; Sed hi non peccaverint taliter dispensando, ergo licitum est sequi minus probabilem.

Respondeo. Suppositâ veritate majoris, quæ non probatur, negando minorem. Pontifices enim impeccabiles non sunt, nobis autem non eorum facta in omnibus, sed verba observanda sunt; Dicunt autem pontifices cum S. Augustino, in rebus ad salutem pertinentibus, tutius esse eligendum.

Objicies septimo: Qui sequitur sententiam minus probabilem quidem, sed certo probabilem, in conflictu probabiliорis aut tutioris, ille saltem est moraliter certus, quod sua actio non sit mala; ergo non peccat.

Respondeo negando antecedens; quia talis existimat verosimilius esse, quod actio sua sit mala, & consequenter habet dubium practicum; qui autem sequitur probabiliorem & tutiorem, ille moraliter certus est, quod sua actio non sit mala.

Objicies octavo: Ideo summi Pontifices damnaverunt quasdam propositiones, quibus asserebatur,

tur, licitum esse sequi opinionem minus probabilem, relictâ tutiore; quia agebatur in iis de periculo damni, quod ex earum praxi posset aliis creari, ut patet ex prima, secunda, & quarta ab Innocentio XI. damnata. Si enim invalidè administretur sacramentum, aut male judicetur, id cedit in praedictum aliorum; ergo quando abest periculum damni, possumus licitè sequi minus probabilem, relictâ tutiore & probabiliore.

Respondeo negando suppositum, quia in concursu minus probabilis stantis contra legem & probabilioris stantis pro lege non abest periculum damni, quia est periculum ne offendatur Deus, & pereat anima, quod est periculum gravioris damni, quam periculum patiënti jacturam aliquot flororum, si malè judicetur.

Dices. Consilium virorum Doctorum, piorum & gravium facit cessare tale periculum, signanter, si nitantur ratione magni ponderis.

Respondeo negando assumptum: sicut enim medicus habens ad manum duas medicinas, quarum unam judicat probabilius lethiferam, non potest facere per judicium suum probabile errorem, quo judicat non esse lethiferam, ut fiat sana; neque licet potest eam propinare ægroto; ita quoque viri docti illi non possunt facere per consilium suum probabile, ut id, quod revera est contra legem naturalem, & divinam sufficienter propositam, non sit contra eam; Neque possunt in concursu probabilioris & tutioris licet suadere, ut consulens eant sequa-

sequatur. Nec obstat quod sint viri graves & docti, quia Theologi antiqui & SS. Patres graviores sunt, qui oppositum suadent.

Instabis primò: Secundūm S. Thomam 1. 2. q. 19. a. 5. Illud quod est malum potest, accipere rationem boni videlicet per judicium probabile, quo existimatur bonum. Respondeo distinguendo assumptum, potest accipere rationem boni veri & realis nego: existimati, concedo assumptum.

Instabis secundò: Si non possimus tutò sequi sententiam piorum & eruditorum Doctorum, nemo poterit tutò conscientiam suam credere uni confessario, & ejus consilium sequi, sed hoc dici nequit; ergo possimus tutò sequi.

Respondeo distinguendo majorem: Nemo poterit tutò conscientiam credere uni confessario, si sciat talēm confessarium habere pro regulā, quod unusquisque possit eligere minus probabilem, et si verosimilius judicet esse peccatum, concedo; Nemo poterit credere conscientiam confessario sententiā in concursu minus probabilis & probabilioris atque tūtoris præferendam esse semper probabiliorē & tūtiorem; nego sequelam majoris. Et similiiter distinctā minore, nego consequentiam.

Objicies nondò: Si ille peccet, qui secutus sententiam probabilem, probabiliorem, aut probabiliſſimam, agit aut suadet aliquid, quod est contra legem naturalem, aut positivam Dei sufficienter propositam, necessarium erit ad evitandum peccatum, ut operans sciat, sententiam, quam sequitur, esse conformem legi; hoc autem non potest dici;

H

ergo

ergo excusatur à peccato, qui sequitur sententiam probabilem contra legem.

Respondeo negando sequelam: sufficit enim, quod aliquis judicet, ita esse operandum, & revera à parte rei lex ita jubeat. Quod si verò sine ulla etiam formidine judicet, sic esse operandum, aut consulat alicui, ita esse agendum, & lex à parte rei contrarium jubeat, non peccat quidem contra conscientiam, sed contra legem. Si verò judicet, ita esse operandum, & lex ita jubeat, & aliter operetur, peccat contra conscientiam, & contra legem illam. Si judicet, se non posse sine peccato relinquere eam opinionem, quæ revera falsa est, & contra legem naturalem, non excusabitur à peccato, sive hanc sive oppositam sequatur. Si enim sequatur falsam, peccat contra legem, si oppositam, peccat contra conscientiam. Ne tamen ex hoc inferas, esse necessitatum ad peccandum talem; quia perplexitas illa est voluntaria, cum enim neutra sententia sit evidenter vera, firmitas assensus, quo adhæret falsæ, non est necessitatis, sed voluntatis.

Objicies decimò. Juxta hanc Regulam: *Melior est conditio possidentis*, à pluribus annis in Scholis receptam, debet homo manuteneri in possessione suæ libertatis. Contra. Debet lex naturalis & divina manuteneri contra hanc regulam à Probabilistis male receptam, & ad dubia Juris naturalis & divini extensam. Aperit enim illa viam innumeris perniciosis dogmatibus

tibus, ut patet ex propositionibus à Pontificibus jam proscriptis. In dubiis Juris naturalis & divini satis promulgati, possessio semper stat pro lege, & hinc observanda est hæc regula: *In dubiis tutior pars est eligenda, & monitum S. Augustini lib. de moribus. Eccles. c. 7. Quod quam sit Deo dignum, inquit, quam--id, quod queritur, verum, ne quaquam intelligere poterimus, nisi ab humani & proximi incipientes, verae Religionis fide, preceptisque servatis, non deseramus viam, quam nobis Deus, & Patriarcharum segregatione, & legis vinculo, & Prophetarum præsagio, & suscepti hominis sacramento, & Apostolorum testimonio, & Martyrum sanguine munivit --- audiamus oracula nostrasque rationculas divinis submittamus affatibus.*

Instabis: homines sunt in possessione dictæ regulæ, etiam in materia Juris naturalis & positivi Dei. R. distinguendo assumptū: sunt in possessione pacifica, nego: in possessione à plurimis doctissimis viris ab initio oppugnata; transeat. Adde, non posse dici illum esse in possessione pacifica libertatis, qui practicè dubitat & judicat probabilius, actionem, aut omissionem esse malam. Tale autem est iudicium sequentis minus probabilem relictâ probabiliore & tuiore; ergo non est in possessione libertatis, neque possessionem fundare potest per talem praxim, cum hæc repugnet legi naturali, dictanti, operandum esse secundūm probabiliorē & tuiorē.

Objicies undecimò: Ipse S. Augustinus agnoscit, quod licitum sit, sequi opinionem probabilem.

Probatur assumptum: quia Epist. 19. ad Hieronymum ait: *Alios sic lego, ut quantumlibet sanctitate doctrinaque polleant, non ideo verum putem, quia ipsi ita senserunt, sed quia mihi vel per Auctores Canonicos, vel probabili ratione, quae à vero non abhorreat, persuadere potuerunt.*

Respondeo distinguendo assumptum: S. Augustinus agnoscit, quod sit licitum sequi opinionem probabilem, relietā probabiliore & tutiore: nego; Quod sit licitum sequi opinionem probabilem, dum urget necessitas, & non potest major notitia acquiri, nullaque occurrit ratio contraria dubitandi, transeat. Adde, Probabile à Scriptura & S. Augustino, aliisque Patribus interdum aliter sumi, ut supra notatum est.

Objicies duodecimò: Si in materia Juris naturalis, & divini sufficienter promulgati eligenda si semper opinio probabilior & tutior, ita, ut nec per ignorantiam, nec per probabilitatem ullus excusat, si reipsa agat contra legem, implicabitur continua scrupulis conscientia hominis Christiani, quia semper erit anxius, ne operetur contra legem, & remedium non inveniet ad scrupulos depellendos; ergo hæc sententia non est tenenda.

Respondeo negando antecedens; Et dico, hanc doctrinam potius servire ad eximendos scrupulos, præsertim si homo Christianus in dubiis Dei opem imploret. *Anima enim, ut S. Augustinus testatur lib. 3. de lib. arbit. c. 20. accepit naturale judicium, quo sapientiam præponat errori, & quietem difficultati, ut ad hæc non nascendo, sed studendo perver-*
niat.

niat. Et ibidem ait: *Anima omnis, & querendum esse concedit, quod inutiliter nescit, & perseveranter in officiosis laboribus enitendum, ad evincendam recte faciendi difficultatem, & opem à Creatore implorandum, ut conantem adjuvet, qui vel extrinsecus lege, vel in intimis cordis allocutione conandum esse precepit.*

Cum sanctissimo Patre orandum est frequenter: Mitte radium sapientiae tuæ, ut expellat tenebras meas, fulgeat in nobis imago tua, cognoscamus & nos imaginem tuam. In psal. 66.

Deus, qui nisi mundos verum scire voluisti, Deus Pater veritatis, Pater sapientiae, Pater veræ, summæque vitæ, Pater beatitudinis, Pater boni & pulchri, Pater intelligibilis lucis, Pater evigilationis atque illuminationis nostræ, te invoco, Deus veritatis, in quo, & à quo, & per quem vera sunt, quæ vera sunt, omnia, Deus intelligibilis lux, in quo & à quo lucent, quæ intelligibiliter lucent, omnia. Deus qui nos

purgas & ad divina præparas præmia,
adveni mihi propitius tu. L. 1. Soliloq.
c. I.

Exaudi me palpitantem in his tene-
bris, & mihi dexteram porrige. Præten-
de mihi lumen tuum, revoca me ab er-
roribus, ut te duce in me redeam & in
te. L. 2. Sol. c. 6.

Deus misericordiarum adjuva in-
tuentes, & verum quærentibus inte-
rius lumen accende. L. 1. contra Epist.
Fund.

Fac me cum simplicitate esse pru-
dentem, ut beatam vitam sinceriter
agam, & malum prudenter fugiam, at-
que fraudulentiam, & deceptoriam a-
stutiam diaboli intelligere valeam, ne
me per speciem boni fallat ratio, & ne
ab aliquo decipiatur, nec aliquem deci-
piam, & discernere rationabiliter va-
leam, & providere, quid boni agam, vel
quid

quid mali refugiam. *L. de Salutar. do-*
cum. c. 65.

Fac me in sancto conversari propo-
sito, sequi justitiam, amare veritatem,
refutare mendacium, falsum nihil me-
ditari, vel loqui. *Ibid.*

Si itaque adhæc erit invenitur homo Christianus, G
oret, si viros doctos, dum dubitat de veritate, con-
sulat; si diligentiam adhibeat; Si pio & prudenti
Confessario, & superiori reverenter se committat;
si eam sententiam amplectatur, quam verosimilior-
rem, & remotiorem à peccato existimat, cum dete-
statione omnis peccati ex simplici corde, & sincero
legis atque legislatoris amore, excutientur scrupu-
li, & animus pacabitur.

Dices: Adhuc his non obstantibus timebit, ne
opus Deo displiceat.

Respondeo, istum timorem esse castum, & per
eum non turbari conscientiam, sed per charitatem
foras mitti.

In concursu autem duarum contradictiarum,
quarum utraqùè est tuta, sive remota à periculo
peccati, non solum possunt, sed etiam interdum de-
bent scrupulosi illi, qui trepidant timore, ubi non
est timor, eligere tutam, relietā tutiore, omissis in-
anibus superactus suos, & præteritas confessiones
reflexionibus.

Petes, quid ergo faciendum, quando neutra sententia apparet tuta?

Respondeo eligendam esse eam, quæ omnibus consideratis remotior videtur à peccato.

Dices. Taliter operans non erit certus, quod operatio ipsius placeat Deo. Distinguo assumptum: Non erit certus certitudine physicâ aut metaphysicâ; concedo, morali, nego. Nemo scit an odio vel amore dignus sit, & clamandum ad Deum est frequenter, Ab occultis munda me, delicta juventutis & ignorantiae mea ne memineris.

Objicies decimo tertio: Qui sequitur sententiam probabilem stantem contra legem humanam, etiam Ecclesiasticam, non peccat; ergo etiam non peccat, qui sequitur probabilem relictâ cå, quæ favet legi naturali & divinæ. Antecedens probatur: quia respectu legis humanæ & præceptorum Ecclesiæ valet axioma: Melior est conditio possidentis libertatem naturalem & Christianam; quarum illa exigit, ut homo homini non subjiciatur, nisi fiat propter Deum, aut manifestam boni communis utilitatem (qualis non reperitur in concursu sententiarum probabilium oppositarum, quibus lex humana obscura redditur) hæc vero, id est libertas Christiana, exigit, ut homo paucissimis oneretur obligationibus, supra legem naturalem & divinam. Quando igitur in illis, quæ dependent à mutabili hominis voluntate, aliquis sequitur sententiam probabilem, neque contra conscientiam peccat, neque contra legem: non contra hanc, quia non præsumitur obligare; non

non contra illam , quia judicat sic esse licitum.

Respondeo, à pluribus viris doctis sustinentibus, non licere sequi opinionem minus probabilem & tutam, quando agitur de lege naturali & divina, fieri exceptionem , quando agitur de lege humanâ & præceptis Ecclesiæ , quam exceptionem approbat etiam supra laudatus Stephanus Gradius in citatâ disputatione de opinione probabili cap. 31. eorum nempe, qui ita præcepta Ecclesiæ excipiunt, ut actiones eorum , qui sequuntur sententias minus probabiles, relictis iis, quæ favent præceptis, excusent quidem à tanto ; sed non à toto , id est , à peccato mortali, sed non à veniali. Quod addo ; quia aliqui ob adductas rationes excusant sequentes minus probabilem, in hujusmodi concursu, à toto ; & ideo concessò antecedente negant consequentiam , eò quod lex divina non subjiciatur libertati hominis, neque ab hac adversus Deum detur securitas , juxta illud S. Augustini hom. 11. c. 5. Quæ est autem securitas, fratres, vel mea, vel vestra, nisi ut Domini iussa intentè diligenterque audiamus , & promissa fideliter expectemus ? Alii vero volunt actiones eorum, qui sequuntur minus probabilem in concursu probabilioris faventis legi Ecclesiasticæ , per istam minorē probabilitatem non omnino honestari , sed tantum minori affici malitia , ut jam dictum est, & horum exceptionem rationabilem judicat citatus Gradius, afferitque conducere eam, ad occurrentem querelis quorundam Hæreticorum, præcepto-

H 5 rum
non

rum Ecclesiæ sub peccato mortali obligantium se-
veritatem & multitudinem perstringentium, & ob-
jicientium, illaqueari animas ; statum gratiæ, cuius
beneficio in adoptionem filiorum Dei vocati su-
mus, & libertatem, passione & morte Domini no-
stri nobis quæsitam, reddi graviorem Mosaicæ legis
jugo, & antiqui servitii compedibus.

Dices : Melius occurri hujusmodi hæreticorum
querelis, & disciplinæ rigori, si sine distinctione le-
gum statuatur , in concursu contrariarum opinio-
num , licitum esse sequi minus probabilem, reliquæ
probabiliore & tutiore, saltem ubi non obstat Ec-
clesiæ prohibitio. Respondeo negando assump-
tum, & addo verba Doctissimi Gradi Capite cito-
ato, Honorato Fabri optanti, ut rigidioris sapientiæ
propugnatores per decem, aut quindecim annos in
Basilica Principis Apostolorum confessionibus ex-
cipiendis sedulam operam navassent &c. respon-
dentis : *Providendum est, vir optime, nè remedium, quod
adhibetis, sit ipso malo, cui obviam itis, nocentius : nè va-
leat ad evertendam disciplinam ; nè pro libertate mode-
rata licentiam effrenatam in mores nostros inducat - - -
vos jure, quod dixi, probabilitatis, à vobis privatim con-
dito, & ante vos auctores (de Probabilistis in genere lo-
quor) in foro & in judicis inaudito, in ipsam omnis juris
& omnium legem arcem invaditis, dum transgressoribus
earum non impunitatis modo, sed etiam innocentiae bene-
ficium multis in casibus impertitis, unde periculum est, nè
(frustra vobis, cæterisque piis ac timoratis pro disciplinæ
incolumitate nitentibus) suâ sponte, & humanæ sortis in
deterio-*

deteriora pronae vitio, asylum quoddam omnis licentiae
aperiatur, ex cuius turba, omnis generis mortalium ac-
cursu collecta, non Roma, ut olim, non Hierusalem, sanctæ
& dilectæ Civitates, sed Babylon aliqua confusione exi-
stat. Adeo namque latè patere vulgo persuasum est, no-
vam hanc de opinionum probabilitate Philosophiam:
tantam inde extare sententiarum quæcunque de re pro-
positâ diversa statuentium multitudinem, scriptorumquæ
omnis generis varietatem, & copiam, ut eâ freti passim
homines ad agenda, quæcunque ad manum veniunt, pro-
filire non dubitent, certa cum spe, constituram haud du-
biè factis, dictisque suis, utcumquæ susceptis rationem, nec
defuturum telum ex instructissimo probabilitatum ar-
mamentario promendum, quo se, animæque suæ salutem
à legum, præceptorumquæ laqueis expediant. Quo fit,
ut ordine inverso, non consilia factis, sed facta consiliis
prævertamus, nec nos ad rationem componere, sed nobis
rationem accommodare studeamus, postquam illam ex ha-
c tenus firma, solidoque adamante perfecta, probabilem,
versatilem, ductilem, & argillâ, cerâque molliorem, una
probabilitas effecisset. Cui certè vitio non adeo facile
pateret aditus, si tam vilis non esset annona bonæ mentis,
& honestatis, & officii.

Objicies decimo quarto: In concursu harum
sententiarum contrariarum: valet baptismus, si infans
baptizetur in dîgo tantum exstante, & non valet talis
baptismus. Minùs probabilis est, quod valeat sic col-
latus; & tamen possumus eam non solum sequi, sed
etiam debemus, relictâ oppositâ: ergo licitum est
sequi opinionem minùs probabilem, relictâ proba-
biliore & tutiore.

Respon-

Respondeo negando consequentiam : quia in tali casu tutior est sententia asserens talem infantem esse baptizandum, etsi Baptismus forte fiat irritus, quia minus malum est baptismum fieri irritum, quam damnari animam. Præceptum igitur charitatis obligat ad succurrentum in illo necessitatis casu.

Objicies decimo quinto : Minus probabilis est opinio asserens, non valere hanc formam consecrationis : *Hic est calix sanguinis mei*, omissis sequentibus verbis ; & tamen juxta hanc possimus licetè operari ; imò debemus, relictâ eâ, quæ asserit, valere formam istam sine aliis verbis : ergo licitum est sequi minus probabilem relictâ probabiliore & tuiore. Respondeo dissimulato antec. negando consequentiam : quia illa opinio, quæ asserit valere hujusmodi formam, in praxi non est tutior. Sic etiam licet speculativè probabilis sit, & forte probabilior asserens valere hanc formam baptismi : *Ego te baptizo in nomine Genitoris, Geniti, & procedentis ab utroquè*, tamen in praxi non est tuta : Idem est de pluribus aliis.

Objicies decimo sexto : Dum superior præcipit Religioso actionem aliquam , juxta sententiam, quæ Religioso, spectatâ ratione, videtur minus probabilis, potest, imò debet ei obedire : ergo licitum est sequi minus probabilem, relictâ probabiliore & tuiore. Respondeo negando consequentiam : quia in istis circumstantiis opposita sententia , quæ spectatâ ratione , Religioso videbatur probabilior, practice

practicè respectu illius non est probabilior & tūtior, ob accedentem auctoritatem superioris, qui præsumunt tantum honesta præcipere.

Objicies decimo septimo : Sedes Apostolica hanc sententiam, *licitum est sequi opinionem minùs probabilem, relictâ probabiliore & tūtiore, nondum* damnavit ; ergo licitum est sequi in concursu contriarum opinionum minùs probabilem. Respondeo negando consequentiam: quia non omnes sententias, quas Ecclesia tolerat, approbat, ut patet ex opinionibus jam à Pontificibus proscriptis, & ex præfatione decreti Innocentii XI. in qua dicitur: *non intendens tamen Sanctitas sua per hoc decretum alias propositiones in ipso non expressas, & Sanctitati sua quomodolibet, & ex quacunque parte exhibitas, vel exhibendas ullatenus approbare.* Et inter has forte est ipsa, de qua controvertitur, quæ præcipue radix est damnatarum : ad quam radicem funditus excindendam inclinatus fuit Alexander VII. ut refert sèpè laudatus Gradius Cap. 37. ubi ait: *Hæc orta censura est (ut ego propter fidem illius temporis notitiam, nequè enim obscura res erat, compertum habeo,) ex acris indignatione Alexandri Pontificis adversus absurdas quasdam opiniones suscepta: cœperat què impetum egregius honoris Dei zelator, gravia omnino, ac severa de hac re tota statuendi, & malum, ut ajebat, in suo fonte, ac radice funditus excindendi, diserta edita constitutio- ne, ex quafinum hujusmodi regundorum leges, & actio- nes facile paterentur: nec vero quidquam propius fuit,* quām ut id faceret, secisset què sine dubio, nisi intervenis- se

set ejus consilio Pallavicinus Cardinalis, cui accuratior rem deliberationem desiderare visares est, quam ut celeriter, quod apparebat futurum, explicari posset, ac multo fortè consultius, si dilatātantis per pleniore censurā ipsæ in praesentia opiniones nominatim configerentur, ut factum est. Nam scandalosæ non absolutè --- sed ut minimum scandalosæ judicatae sunt, adjectaque prefatio, quæ licet sub involucro verborum, verè manifestum facit decernentis animum ab hac philosophandi de moribus ratione alienum, quod propterea --- appellavit modum opinandi contrarium simplicitati Evangelicæ & sanctorum Patrum doctrine, & Regulam ad ordinandos fidelium mores minimè idoneam, quibus verbis cui dubium est, quin ex duabus sectis liberior & laxior designata sit?

Objicies decimo octavo: Plurimi Theologi recentiores haec tenus docuerunt, esse licitum sequi in concurso opinionum minus probabilem: ergo non est presumendum, quod erraverint.

Contra: Plurimi Theologi antiquiores cum plurimis recentioribus, & sanctis Patribus oppositum docuerunt: ergo minus presumendum est, quod hi erraverint, ut nihil dicam de sacris canonibus, & sacris litteris.

Contra secundo: Pater ex sententiis jam proscriptis, quod generatim non sit licitum sequi minus probabilem, & consequenter, quod illi, qui hoc docuerunt, erraverint.

Objicies decimo nono: Opinio afferens, sufficere pro pluribus peccatis unum actum efficacem Contritionis

tionis probabilior est afferente , requiri tota^{et}ius Cōtritionis, quot sunt peccata ; & tamen possumus hanc licitē sequi, relictā illā: Ergo licitum est, sequi opinionem minūs probabilem. Respondeo distinguendo consequens : Ergo licitum est sequi minūs probabilem , quando hæc est tuta aut tutior, concedo : Quando non est talis, nego consequentiam. In præsenti autem casu minūs probabilis est tuta , sive remota à periculo peccati. Sic etiam iudex non solum potest , sed etiam debet interdum sequi opinionem minūs probabilem faventem Reo , qui damnari non debet secundūm leges, nisi adsint probationes luce meridianā clariores.

Objicies vigesimo : Ideò juxta dicta non est licitum sequi opinionem minūs probabilem , relictā probabiliore & tutiore, quia eam sequens operatur cum dubitatione & formidine ; sed hæc ratio nulla est: Ergo possumus licitē sequi minūs probabile, relictā probabiliore & tutiore. Probatur minor, quia si hæc ratio valeret, non liceret etiam sequi probabiliorem & tutiorem , quia etiam huic annexa est dubitatio & formido, eò quod omnis opinio sit assensus cū formidine. Respondeo negando minorem, & ad probationem dico, licet ille, qui sequitur opinionem probabiliorem & tutiorem , evidenter non sciat , rem sic se habere , & hoc sensu non sit absque omniformidine, hæc tamen formido non est moralis , cum habeat judicium practicum moraliter certum de honestate operis , quale non habet ille, qui contemptā veritate & lege sequitur minus probabilem.

Objicies

Objicies vigesimo primò : Illud non tenemur credere, quod nobis certo non constat, fuisse à Deo revelatum , & ab Ecclesia propositum : Ergo à pari etiam non tenemur servare legem, quam nobis certo non constat esse à Deo latam ; sed in concursu minus probabilis & probabilioris nobis certo non constat, legem esse latam, ergo &c.

Contra primo ; Ergo filius nec honorem nec obedientiam tenetur præstare patri , quia illi certo non constat, esse Patrem suum.

Contra secundo ; Ergo nemo prudenter potest adorare hostiam , quam in Missa elevat sacerdos, quia certò non constat, esse consecratam, eâ nempe certitudine , quam Adversarii requirunt ad hoc, ut constet legem esse latam , & teneantur eam obser- vare. Respondeo ergo ad Argumentum negando consequentiam: Non est enim par ratio de specula- tivis & practicis. In his sufficit , quod conscientia conformetur sententiæ stanti pro lege & officio, licet existentia legis non sit evidens, non autem suf- ficit ad evitandum peccatum , quod conformetur minus probabili stanti contra legem , quia lex non tantum prohibet peccata certa , sed etiam dubia & probabilia.

Objicies vigesimo secundò : Si non sit licitum, sequi minus probabilem in concursu opinionum, etiam non est licitum sequi probabiliorem ; sed hoc est contra conclusionem paragraphi tertii : ergo li- citum est sequi minus probabilem in hujusmodi concursu. Probatur sequela majoris : quia opinio
afferens

afferens, esse licitum sequi minùs probabilem, est probabilior & tutior. Nititur enim gravioribus rationibus & pluribus auctoribus. Respondeo negando majorem, & probationem ejus. Sententia enim negans, esse licitum sequi minùs probabilem, fundata est in sacra Scriptura, Jure Canonico, sanctis Patribus, signanter S. Augustino & S. Thoma, habétae Theologos antiquos, & multos recentiores, Episcopos, & Archiepiscopos, & Canonistas patronos & defensores.

Objicies vigesimo tertio: S. Augustini, aut S. Thomæ auctoritas sola sufficit ad reddendam opinionem tutam in praxi, et si plures Doctores afferant oppositum, nisi gravibus rationibus; ergo licitum est, sequi minùs probabilem & minùs tutam, relictâ probabiliore & tütiore. Respondeo negando consequiam. Horum enim sanctissimorum Doctorum, quorum doctrina est ab Ecclesia approbata, quorum dogmata vocat Alexander VII. in speciali Brevi, tatisima & inconcussa, auctoritas præferenda est Probabilistarum auctoritati & rationibus. Sufficit horum pro millibus unus S. Augustinus, aut S. Thomas.

Objicies vigesimo-quartò: dum Princeps Christianus movet bellum contra Principem Christianum, secutus opinionem minùs probabilem, non peccat, neque peccant subditi jussi militare, si obedient: ergo licitum est sequi opinionem minùs probabilem, &c. Antecedens probatur: quia potest dare bellum ab utraque parte justum, ac proinde unus

ex illis sequitur minus probabilem & minus tutam opinionem. Respondeo, negando antecedens, & ad probationem dico, ut sit bellum ab utraque parte justum inter Reges aut Principes, ab uno invincibili- ter debere ignorari jus alterius. Ad subditos autem quod attinet, presumitur ex his, quod Rex præcipiat honesta, idque ex consilio virorum doctorum & piorum; & hinc ab illis probabilius judicatur, esse licitum militare, & obedire suo legitimo Regi.

Objicies vigesimo-quinto: C. finali de Transact. dicitur: *Opinio benignior & suavior præferri debet*, sed opinio, quæ afferit, licitum esse in concursu opinio- num sequi minus probabilem, est benignior; ergo hæc præferri debet, & consequenter licitum est, sequi minus probabilem, relictâ probabiliore & tuiore. Dissimulatâ majore, respondeo negando minorem; quia opinio afferens licitum esse sequi minus probabilem, relictâ probabiliore, stante pro lege naturali & divina sufficienter proposita, est potius dicenda malignior, quam benignior, ut patet
ex dictis.

* * *

INDEX